

Уур Амьсгалын Ногоон Сан /УАНС

ЕСБХБ-ны Ногоон эдийн засгийг санхүүжүүлэх бүсийн хөтөлбөр (НЭЗСХ) – Монгол Улс – ХААН Банк III

Байршил:	Монгол улс
Төслийн дугаар:	56003
Бизнесийн салбар:	Санхүүгийн байгууллагууд
Мэдэгдлийн төрөл:	Хувийн
Байгаль орчны ангилал:	Санхүүгийн байгууллагууд
Хэлэлцэх хурлын огноо:	2025 оны 4 сарын 9
Төлөв байдал:	Судалгааны шатанд
ТХББ-г нийтэд ил тод болгосон огноо:	Англи хэл дээрх ТХББ-ийг нийтэд ил болгосон өдөр: 2025 оны 3-р сарын 5

Төслийн танилцуулга

УАНС Ногоон эдийн засгийн санхүүжилтийн хөтөлбөрийн хүрээнд ЕСБХБ-аас 60 сая ам.доллар, УАНС-аас 20 сая ам.доллар, нийт 80 сая ам.доллар хүртэлх хэмжээний НЭЗСХ-ын анхдагч зээл олгох төсөл. Зээлийг 2 тэнцүү хувааж олгох бөгөөд, 2 дахь траншийн нөхцөлийг олгох үед тохирно.

Төслийн зорилго

Зээл нь НЭЗС Хөтөлбөрийн УАН Сангийн стандарт ба тайлагналын шалгуурт нийцсэн уур амьсгалын өөрчлөлтийг бууруулах, дасан зохицох технологи ба үйлчилгээг жендерийн тэгш байдлыг ханган санхүүжүүлэхэд зарцуулагдах.

Шилжилтийн нөлөөлөл

Хүлээгдэж буй шилжилтийн нөлөөлөл (ХШН)-ийн оноо: 65

Төсөл нь УАНС-Ногоон эдийн засгийг санхүүжүүлэх бүсийн хөтөлбөрийн (НЭЗСХ) Ногоон шилжилтийн чадварыг дээшлүүлэхэд хувь нэмрээ оруулах бөгөөд санхүүжилтийн 100 хувь нь УАНС-Ногоон эдийн засгийг санхүүжүүлэх Монголын Бодлого баримт бичигт нийцсэн Ногоон Эдийн Засгийн Шилжилт (GET)-ийн үйл ажиллагаанд зориулагдана. Тус зээл нь Хаан банканд олгогдож буй гурав дахь НЭЗСХ зээл байх бөгөөд байгаль орчинд ээлтэй технологи, ялангуяа сэргээгдэх эрчим хүч, эрчим хүчний хэмнэлт, уур амьсгалын өөрчлөлтөд тэсвэртэй технологийг сурталчлах, тэр дундаа нарны зай хураагуур, нарны

дулаан, дулааны насос болон биогазын технологийг зах зээлд нэвтрүүлэхэд үргэлжлүүлэн дэмжлэг үзүүлэх болно. Мөн орон сууц, худалдааны барилга байгууламжийн эрчим хүчний хэмнэлтийг дэмжих болно.

Харилцагчийн мэдээлэл

Хаан Банк ХК

ХААН Банк ХК нь Монгол Улсын хамгийн том арилжааны банк бөгөөд 545 гаруй салбар тооцооны төв болон дижитал сувгуудаараа дамжуулан Монголын хүн амын 82%-д үйлчилгээ үзүүлж байна. 2024 оны 3 дугаар улирлын байдлаар 5.9 тэрбум ам.долларын активтай, 3.4 тэрбум ам.долларын зээлийн багц, 679 сая ам.долларын өөрийн хөрөнгөтэй байна. ХААН Банк нь “Мүүдиз” байгууллагаас “B2/тогтвортой”, Фитч байгууллагаас “B+/тогтвортой” үнэлгээ авсан.

ЕСБХБ-ны санхүүжилтийн тойм

60,000,000.00 ам.доллар

Төслийн нийт өртөг

80,000,000.00 ам.доллар

Нэмэлт ашиг тус

ЕСБХБ нь санхүүжилтийн бүтцэд уур амьсгал, байгаль орчин, нийгэм, засаглалын (БОНЗ) стандартууд болон уур амьсгал, БОНЗ-ийн эрсдэлийн талаар авч үзэх асуудлуудыг нэгтгэсэн шинэлэг ногоон санхүүгийн хэрэгслийг санал болгож байна.

ХААН Банк нь эрчим хүч, нөөцийн бүтээмжтэй ашиглалт, уур амьсгалд тэсвэртэй санхүүжилтийг уур амьсгалын аудит, технологийн гүйцэтгэлийн доод хэмжээний стандарт, уур амьсгалтай холбоотой стратеги бодлого, хяналт, тайлагналт, баталгаажуулалтын (MRV) систем гэх мэтийн чиглэлээр ЕСБХБ-ны мэдлэг туршлагаас ашиг тус хүртэх болно. Түүнчлэн, Ногоон технологи сонгогч цахим хуудасны туршлагыг ашиглан ЕСБХБ нь ХААН Банктай ногоон санхүүжилтийг өргөжүүлэх ногоон технологийг тодорхойлох арга барил, шалгуурыг тогтооход хамтран ажиллах болно. Уур амьсгалын өөрчлөлтийг сааруулах, дасан зохицох хөрөнгө оруулалтыг дэмжсэн урт хугацааны санхүүжилтийг хүртэх болно. Улмаар ХААН Банкны үйл ажиллагаа болон бизнесийн арга барилд урт хугацааны мэдлэг шилжих үр нөлөө үзүүлэх болно.

Байгаль орчин, нийгмийн үйл ажиллагааны хураангуй

Санхүүгийн Байгууллагууд - ангилал (2019 оны Байгаль орчин, нийгмийн бодлого баримт бичиг). ХААН Банк нь Банкны харилцагч бөгөөд байгаль орчны болон нийгмийн шаардлагуудыг хангалттай хангасан. Зээл нь УАНС-НЭЗСХ-ийн хүрээнд олгогдох бөгөөд санхүүжилтийн 100 хувь нь Ногоон Эдийн Засгийн

Шилжилт (GET)-ийн шаардлагыг хангасан төслүүдийг санхүүжүүлэх болно. Тэдгээр нь байгаль орчин нийгмийн хүрээнд багаас дурд эрсдэлтэйд тооцогддог.

ХААН Банкны байгаль орчин, нийгмийн эрсдэлийн удирдлагын систем нь ЕСБХБ-тай нийлсэн бөгөөд банкны нийт багцыг хамардаг. ХААН Банк нь уур амьсгалын өөрчлөлт, хүний эрх, хүүхдийн эрх, чанар, биологийн олон янз байдлыг багтаасан Тогтвортой хөгжлийн бодлогыг 2010 оноос өдөр тутмынхаа үйл ажиллагаанд нэвтрүүлэн хэрэгжүүлж байна. ХААН Банк нь тогтвортой байдал болон нийгмийн хариуцлагын шалгуур дээр үндэслэн ханган нийлүүлэгчдийнхээ гүйцэтгэлийг тогтмол үнэлж байдаг. Мөн Тогтвортой хөгжил ба БОНЗ-ийн жилийн тайлангаа өөрийн цахим хуудас дээр нийтэлдэг. ХААН Банк нь 2010 оноос НҮБ-ын Глобал Компактын гишүүн, 2023 оноос хүлэмжийн хийг хэмжих санаачилга PCAF-ийн гишүүн болоод байна.

Байгаль орчин, нийгмийн эрсдэлийн удирдлагын систем нь бодлого журмууд нь Банкны Гүйцэтгэлийн 2, 4, 9-р шаардлагуудыг хангаж байгаа. Харилцагч цаашид дээрх шаардлагуудыг хангасан байна. ХААН Банк дээрх шаардлагуудыг ЕСБХБ-ны санхүүжилттэй бүх дэд зээлүүдэд үргэлжлүүлэн хэрэгжүүлж, дэд зээлдэгч нарт Байгаль орчин, эрүүл ахуй, аюулгүй байдлын стандартуудыг үргэлжлүүлэн мөрдүүлнэ. Харилцагч нь ЕСБХБ-ны байгууллага, ЖДҮ болон бичил зээлийн Байгаль орчин, нийгмийн журмыг баримталж Байгаль орчин, нийгмийн үл зөвшөөрөх жагсаалт болон Гүйцэтгэлийн шаардлага 9-д заасан лавлагааны жагсаалтыг дагаж мөрдөнө. Хэрэв ЕСБХБ-ны санхүүжилтийг нарны эрчим хүчний зээлүүдэд дамжуулан зээлдүүлэх бол, эдгээр төслүүд нь нийлүүлэлтийн гинжин хэлхээндээ хүчээр хөдөлмөр эрхлүүлэх эрсдэл дагуулдаг тул УАНС-НЭЗСХ-ийн бүс нутгийн бодлогын мэдэгдлийн дагуу зохицуулах ёстой.

Техникийн хамтын ажиллагаа

Монголын Ногоон эдийн засгийг санхүүжүүлэх хөтөлбөрийн хүрээнд 6 сая еврогийн техникийн туслалцааны багцыг, үүнээс 4.5 сая еврог ЕСБХБ-ны Хувьцаа эзэмшигчдийн тусгай сан, Уур Амьсгалын Ногоон Сан (УАНС) ба Япон Улсын санхүүжилтээр бүрдүүлэхээр баталгаажуулсан, үлдсэн 1.5 сая еврог дараа нь санхүүжүүлнэ (2026 оны 1 дүгээр сард байх төлөвтэй).

Төслийн техникийн хамтын ажиллагааны зорилго нь ХААН Банканд чадавх бүрдүүлэх, НЭЗСХөтөлбөрийн зээлийн хэрэгжилт ба мониторинг хийхэд дэмжлэг үзүүлэхэд оршино. Төслийн Зөвлөх нь худалдааны үйл ажиллагаа дахь уур амьсгалын өөрчлөлтийг бууруулах, дасан зохицох техник технологийн талаар мэдээлэл өгөх, төслийн үнэлгээ хийх, давхар зээлдэгчдэд хамгийн оновчтой технологийн сонголт хийхэд нь туслалцаа үзүүлэх зэрэгт ноу-хау хуваалцаж ажиллана. Монголын НЭЗСХөтөлбөрийн техникийн туслалцааны багцад тус хөтөлбөрт оролцогч санхүүгийн байгууллагуудад тусгайлан оноогдсон техникийн туслалцааны хуваарилалт хийгдээгүй. Мөн ногоон зээлийн бүтээгдэхүүний маркетинг ба загварчлалын жендерийн онцлогтой эрэлт, хэрэгцээний асуудлуудыг шийдэх тусгай жендерийн техникийн туслалцаа нэгэн зэрэг хэрэгжинэ

("НЭЗС хөтөлбөрийн Жендерийн үйл ажиллагааны төлөвлөгөөний Хэрэгжилт ба Мониторинг").

Компанийн холбоо барих мэдээлэл

Б.Болортуяа, Олон улсын харилцааны газрын захирал

bolortuya.b@khanbank.com

+976 11332333

+976 70117023

www.khanbank.com

ХаанБанк ХК, KhanBank Tower, Чингисийн Өргөн Чөлөө-6, Стадион Оргил-1, Хан-Уул Дүүрэг, Улаанбаатар 17010, Монгол Улс

Шилжилтийг ойлгох нь

Шилжилтийн нөлөөллийг хэмжих чиглэлд ЕСБХБ-ны баримталдаг арга хандлагын талаарх нэмэлт мэдээллийг [эндээс](#) авна уу.

Бизнес боломжууд

Бизнес боломжууд болон худалдан авалтын талаар үйлчлүүлэгч компанитай холбогдоно уу.

ЕСБХБ-тай хамтран ажиллах боломжууд (худалдан авалттай холбоогүй)-ын талаар сонирхвол дараах утасны дугаар, цахим хаягаар холбоо барина уу.

Утас: +44 20 7338 7168

Цахим шуудан: projectenquiries@ebrd.com

Төрийн хэвшлийн төслүүдтэй холбоотой мэдээлэл авахыг хүсвэл [ЕСБХБ-ны Худалдан авалт](#) хэсэгт зочилно уу.

Утас: +44 20 7338 6794

Цахим шуудан: procurement@ebrd.com

Ерөнхий лавлагаа

Дэлгэрэнгүй лавлагааг [ЕСБХБ-ны Лавлагааны маягт](#) ашиглан авах боломжтой.

Байгаль орчин, нийгмийн бодлого (БОНБ)

[БОНБ](#) болон холбогдох Гүйцэтгэлийн Шаардлагууд (ГШ) нь ЕСБХБ-ны “байгаль орчинд ээлтэй, тогтвортой хөгжил”-ийг хөхиүлэн дэмжих үүрэг амлалтаа

биелүүлэхэд баримтлах арга замуудыг тодорхойлдог. БОНБ болон ГШ-д үйлчлүүлэгчийн зүгээс олон нийтийн мэдээлэл, хэлэлцүүлгийн талаарх үндэсний хууль тогтоомжийн холбогдох заалтуудыг дагаж мөрдөх, мөн оролцогч талуудын санал гомдол, ялангуяа үйлчлүүлэгч ба төслийн байгаль орчны болон нийгмийн гүйцэтгэлийн талаарх санал гомдлыг хүлээн авч, шийдвэрлэдэг гомдол барагдуулах механизм бий болгох тухай тодорхой заалтууд багтсан байдаг. ЕСБХБ нь аливаа төслийн байгаль орчны болон нийгмийн эрсдэл, нөлөөллийн мөн чанар, цар хүрээнд дүйцүүлэн, тухайн төслийн улмаас үүсэх эрсдэл, үр нөлөөллийн тухай мэдээллийг шаардлагын дагуу ил болгох, эсвэл оролцогч талуудтай утга учиртай зөвлөлдөх, тэдний санал хүсэлтийг харгалзан үзэж, хариу өгөх нэмэлт шаардлагыг үйлчлүүлэгчиддээ тавьдаг.

Энэ чиглэлд ЕСБХБ-ны хэрэгжүүлдэг практикийн талаарх нэмэлт мэдээллийг [БОНБ](#)-д оруулсан болно.

Бүрэн төгс байдал ба комплаенс

ЕСБХБ-ны Комплаенс хариуцсан Захирлын Ажлын алба (КЗАА) нь сайн засаглалыг хөхиүлэн дэмжиж, олон улсын шилдэг практикт нийцүүлэн Банкны бүхий л үйл ажиллагаан дахь бүрэн төгс байдлыг хамгийн дээд стандартаар хангахад анхаарч ажилладаг. Төслүүдийн зүгээс Банкинд бүрэн төгс байдал, нэр хүндийн хувьд хүлээн зөвшөөрөх боломжгүй эрсдэл үүсгэхгүй байх нөхцлийг хангахын тулд тус Банк бүх үйлчлүүлэгчийнхээ бүрэн төгс байдалд нарийвчилсан үнэлгээ хийдэг. Банк аливаа асуудлыг төслийн үнэлгээг батлах үе шатанд илрүүлэн тогтоож, шийдвэрлэх нь Банкны транзакцийн бүрэн төгс байдлыг хангах хамгийн үр дүнтэй арга зам гэж үзэж байна. КЗАА нь эдгээр хамгаалалтын арга хэмжээг авахад голлох үүрэг гүйцэтгэж, мөн төслүүдийн хөрөнгө оруулалтын дараах бүрэн төгс байдлын эрсдлийг хянахад тус дөхөм үзүүлдэг.

Түүнчлэн, КЗАА нь ЕСБХБ-ны санхүүжүүлсэн төслүүдтэй холбоотой залилан мэхлэлт, авилга, хээл хахууль болон буруу үйлдлийн талаарх гомдлын мөрөөр судлан шалгах үүрэгтэй. Банкны ажилтнууд, эсвэл гадна байгаа хэн ч бай залилан мэхлэлт болон авилгал үйлдэгдсэн хэмээн сэжиглэж буй тохиолдолд Комплаенс хариуцсан захиралд compliance@ebrd.com цахим шуудангийн хаяг руу бичгээр илтгэх ёстой. Мэдээлэгдсэн бүхий л асуудлын мөрөөр хянан шийдвэрлэх ажлыг КЗАА гүйцэтгэнэ. Нэр хаягтай болон нэр хаяггүй бүх мэдээллийг шалгана. Мэдээллийг Банкны албан ёсны хэл болон үйл ажиллагаа явуулдаг улс орнуудын хэлний алинаар ч үйлдэж болно. Ирүүлсэн мэдээлэл нь чин сэтгэлийн байх ёстой.

Мэдээллийн хүртээмжийн бодлого (МХБ)

МХБ нь 2020 оны 1 дүгээр сарын 1-нээс хүчин төгөлдөр хэрэгжиж эхэлснээс хойш ЕСБХБ мэдээллийг хэрхэн олон нийтэд ил тод болгох, өөрийн стратеги, бодлого

болон үйл ажиллагааны талаарх мэдлэг, ойлголтыг нэмэгдүүлэн сурталчлах чиглэлд оролцогч талуудтай хэрхэн зөвлөлдөх арга замуудыг тодорхойлсон байдаг. ЕСБХБ-ны вэб сайтаас ямар мэдээлэл авах боломжтойг мэдье гэвэл [Мэдээллийн хүртээмжийн бодлого](#) хуудсанд зочилно уу.

Мэдээлэл авах тодорхой хүсэлтээ [ЕСБХБ-ны Лавлагааны маягт](#) ашиглан илгээх боломжтой.

Төслийн хариуцлагын хараат бус механизм (ТХХБМ)

Хэрэв байгаль орчин, нийгэм болон мэдээллийн ил тод байдалтай холбоотой санал гомдлоо үйлчлүүлэгч болон Банкинд тавьж шийдвэрлүүлэх (жишээлбэл: үйлчлүүлэгчийн Төслийн түвшний гомдол барагдуулах механизмаар дамжуулж, эсвэл Банкны удирдлагатай шууд харилцах замаар) оролдлого, хүчин чармайлт нь амжилтгүй болвол, хувь хүн болон байгууллагууд санал гомдлоо ЕСБХБ-ны Төслийн хариуцлагын хараат бус механизм (ТХХБМ)-аар дамжуулан шийдвэрлүүлэхийг зорьж болно.

ТХХБМ нь Төсөлтэй холбоотой бусдад хор хохирол учруулсан (эсвэл учруулж болзошгүй) гэж үзэж буй асуудлуудыг хараат бусаар хянан шалгадаг. Энэхүү Механизмын зорилго нь байгаль орчин, нийгэм болон мэдээллийн ил тод байдалтай холбогдох асуудлуудыг шийдвэрлэх талаар Төслийн оролцогч талуудын хоорондох яриа хэлэлцээг дэмжих; Банк өөрийн [Байгаль орчин, нийгмийн бодлого](#), эсвэл [Мэдээллийн хүртээмжийн бодлого](#)-ын Төсөлд холбогдох заалтуудыг дагаж мөрдсөн эсэхийг тогтоох; мөн шаардлагатай тохиолдолд Банкны зүгээс эдгээр бодлогод үл нийцсэн зөрчлийг арилгах, түүний зэрэгцээ цаашид тийм зөрчил гарахаас урьдчилан сэргийлэхэд оршино.

ТХХБМ болон түүний эрх үүргийн талаар илүү ихийг мэдэхийг хүсвэл [Төслийн хариуцлагын хараат бус механизмын вэб сайт](#), хянан шалгуулах хүсэлт тавих бол [Хүсэлт](#) хаягаар тус тус хандана уу. Эсвэл ТХХБМ-ын талаар, мөн санал хүсэлт хэрхэн тавих тухай чиглэл заавар, нэмэлт мэдээлэл авах бол ipam@ebrd.com цахим шуудангаар хандаж болно.